



Isalathiso: 20170922-5208  
12/2/2/3/25  
Imibuzo: GH Foster

INgcaciso eMfutshane yeCandelo loLawulo loVavanyo: 0015/2017

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam, kuBaphathi beeSekethe, kwiiNtloko zoLawulo noKuphathwa kwaMaziko, kumaSekela eeNgcali zeMfundo eziziiNtloko; kuBaququzeleli boVavanyo, kuBacebisi beZifundo nakwiiNtloko zawo onke amaziko emfundo alungiselela abaviwa kwiimviwo zeSatifikethi seMatriki sikaZwelonke

**Isihloko: Ukubhalwa koMsebenzi woVavanyo okuMgangatho ofanayo wokuXabangela (Supplementary (Common Assessment Task) (CAT)) kwisifundo soLwazi ngezoBomi (Life Orientation) kwiBakala 12 ngo-2017**

1. UMsebenzi woVavanyo okuMgangatho ofanayo (Common Assessment Task (CAT)) kwisifundo soLwazi ngezoBomi (Life Orientation (LO)) wawubhalwe nge-08 Septemba 2017 ngokweNgcaciso eMfutshane yoLawulo loVavanyo 0011/2017.
2. Abafundi abangakhange bayibhale i-CAT ye-LO nge-08 Septemba ngenxa yezizathu eziphathekayo, baya kuvunyelwa ukuba babhale i-CAT ye-LO yokuxabangela (supplementary CAT for LO) ecwangciselwe owe-10 Oktobha 2017 ukususela ngo-**09:00 ukuya ku-11:00**.
3. Kule meko, "izizathu ezisemthethweni" zibandakanya oku kulandelayo:
  - (a) **ukugula**, okuxhaswa sisatifikethi sokugula esisemthethweni, esikhutshwe ngugqirha obhalisiweyo (registered medical practitioner);
  - (b) **izizathu eziphenjelelwa luvelwano lobuntu** ezibandakanya ukusweleka kwelungu losapho elisondeleyo kumfundi ezixhaswa yikopi yesatifikethi sokusweleka;
  - (c) umfundi **oya kuvela enkundleni yamatyala**, yaye oko makuxhaswe bubungqina obubhaliweyo;
  - (d) **nasiphi na esinye isizathu esinokwamkeleka njengesizathu esisemthethweni** yiNtloko yovavanyo okanye ngummeli wayo.

4. Amaxwebhu abubungqina apha thelele kuzo naziphi na izingathu ezisemthethweni kwezi zingentla makagcinwe efayilini esikolweni yaye makenziwe afumaneke kwaNdlunkulu okanye kwisithili xa eceliwe.
5. **IsiHlomelo A**, esiqhotyoshelwe kule Ngcaciso iMfutshane yoLawulo loVavanyo, masizaliswe yaye masithunyelwe nge-imeyili apha: Gail.Laguma@westerncape.gov.za ungadlulanga owe-**29 Septemba 2017**.
6. Ziyacelwa iinqununu zenze amalungiselelo ayimfuneko okuqhutywa kolu vavanyo yaye maziqinisekise ukuba isikolo siyayithobela yonke imiqathango nemigaqo emalunga neemviwo zeSatifikethi seMatriki sikaZwelonke (*National Senior Certificate (NSC)*).
7. Ii-ofisi zezithili ziya kuzinika izikolo isikhokelo sokumakishwa se-CAT ye-LO yokuxabangela. I-ofisi yesithili iya kuqinisekisa ukuba ukumakishwa kwephepha lokuxabangela, kumodareyithwa ngaphakathi esikolweni kwakunye nangaphandle yi-ofisi yesithili.
8. Abafundi abangayibhalanga i-CAT ye-LO okanye i-CAT ye-LO yokuxabangela ngo-2017 baya kufumana iziphumo ezingaphelelanga kwisifundo se-*Life Orientation*. Aba bafundi kuya kufuneka basiphinde isifundo, kuqukwa i-SBA ne-CAT ye-LO.
9. Kucelwa wazise ngale ngcaciso kubo bonke ootitshala nabafundi beSifundo se-*Life Orientation* ukuze bayithathele ingqalelo.

**ISAYINWE:** NGU-PAD BEETS

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2017-09-27